

**13 Wakil Asing Persembah Watikah Pelantikan Kepada Yang di-Pertuan Agong Bernama
19 Mac, 2012**

KUALA LUMPUR, 19 Mac (Bernama) -- Tiga belas perwakilan asing mempersembahkan watikah pelantikan masing-masing kepada Yang di-Pertuan Agong Tuanku Abdul Halim Mu'adzam Shah di Istana Negara, di sini pada Isnin.

Mereka meliputi tiga pesuruhjaya tinggi dan 10 duta besar.

Tiga pesuruhjaya tinggi berkenaan ialah Carlos Agostinho Do Rosario dari Mozambique, Chasala George (Botswana) dan Lemalu Tate Simi (Samoa), sementara duta besar pula ialah Gudmundur Eiriksson dari Iceland, Szilveszter Bush (Hungary), Georgis Veis Constantinos (Greece) dan Ara Hakobyan (Armenia).

Turut menyerahkan watikah ialah Duta Besar Mauritania Yahya Ngam, Jorge Ryder Torres Pereira (Portugal), Dr Ruben Ignacio Zamora Rivas (El Salvador), Vladimir Nicolaevich Lopato-Zagorsky (Belarus), Marc Thill (Luxembourg) serta Salaad Ali Ibrahim (Somalia).

Dua belas daripada mereka merupakan perwakilan bukan bermastautin, manakala Salaad Ali menjadi Duta Besar Somalia pertama yang bermastautin di Malaysia.

--BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=653159>